



元生詩集  
十五

六

16  
1533  
39

早稲田大學附屬圖書館  
寄第  
第 號  
第 卷  
出帶許不外館書此





明和  
1533  
4139



羅山林先生詩集卷第十五

歲時五

次正意丈人開歲之詩韻二首

元和三年

昨夜東君豈問津十分清氣一枝春梅花路近桃

花洞緬憶當時黃道真

醫學淵源梁興津活人手段似陽春囊中自有辟

邪藥何用鍾馗貽盡真

和正意試筆詩韻

元和七年

東君把筆入皇州華實文章不待秋有鳥有人皆



百喜飛鳴過我共相酬

和正意試筆詩韻元和八年

儒學相推方技家君今袖裏有倉華藥名他後廟  
廊鼎豈啻江梅水雪花元和九年

和正意試筆之韻元和九年

千官所聚即為都天下蒼生各自娛若把東皇比  
殷帝春風吹物必來蘇元和九年

漫次正意畏友試管之遺響寬永二年

江國新正逢故舊醫流猶慕古儒風如今五百年

來後春入屠蘇西地中

和正意法眼歲初試韻之芳押二首

春到文房陳楮陶沼池水解好拙毫例年厭禁聊  
如此樽有柏椒符有桃

天下和風不鎖城欣逢東武與西京春遊三十年  
來事清話愈於親戚情

次正意法眼試筆之芳押二首

來賀新年侍邸家仰觀東海日光赧毫端別置一  
春色雲外朵雲花外花



都會由來江府城今朝闔國賀元正春鶯一轉百  
千喜林下何曾鳴不平

和正意元旦詩韻寬永十年

春風花草入江城懷得今忘客路情千里東閩人  
止處丘隅霞外聽黃鶯

次正意法眼歲旦試翰之韻其詞有知命之  
句故予末句漫及此云寬永十一年

春到武陵城畔天望中野草欲芳鮮醫林梅發曆  
林上剩及儒門學易年

次韻正意法眼試筆之佳作寬永十二年

回翰萬年枝際春泰平瑞雀亦來馴金丹一粒三  
陽力須是東風席上珍

正意法眼惠然見示元旦絕句并律體吟翫  
莫錯焉索拙和章因次其響官事毋益慶禮  
繁煩故四韻和期他後云

江上東西南北身新正相遇問願神花中儒與藥  
中酒欣賞何曾見別人

次正意丈人歲旦試筆之遺響



藥是衛生家裏方新年婪尾數巡觴河間忽遇希夷叟勤醉春風日月鄉寬永十五年

次正意法眼試毫之遺響

六律調陽泰蒺宮春聲昨夜子時中東風不醒嘯歌處斗柄欣逢建太蟲寬永十七年

和正意法眼試毫詩寬永十八年

老顛殘雪共皤皤椒柏杯中無假蛇聽得歡聲傳暖響花能言語鳥能歌

次韻正意法眼試毫詩寬永十九年

君掌度暉既編方我遇垂耆欲我鄉乾德包含梅葉裏畫前不待問羲皇

慶長萬年之狗年狗白貞德叟賦三朝倭歌讀之信春初之大快意也因次韻云

舉世皆雖惜歲華風光於我喜逢花春無高下千山雪消作朝來一片霞

和休閑春首試毫詩韻慶長年中作時在駿  
乍逢雞旦賀令辰爆竹聲中祥瑞臻數盞椒椒頻祝壽一枝梅葉早知新書窓燈盡映殘雪硯沼水



融掃濁塵李白復生可誇說花間字字筆頭春

又

吾生堪恨失嘉辰故里路遙何日臻人物年年移  
換舊君臣事事法條新寓居難住蟻蝸室敗履豈  
追肥馬塵縱有士峯天下景小春不忘洛陽春

和玄東元且試筆韻二首元和三年

人生寸寸引強弓籠辱憂歡去就中不識春風何處好世情吹盡石尤風

請看顏淵與仲弓一團和氣滿腔中何時花底柳

邊及千歲細論儒者風

甲子正月玄東丈來賀之時見余兒試筆絕句以寫歸他日演其字為二十八首被寄之其博贍可喜矣余亦不能止又次其韻以酬焉兼訓余兒子而已勿謂吾有福時之癖云

爾壬時是月十日也

王成何必在瑯琊我道春風吹翰林五百餘年豪傑出焉知來者不如今

太山難挾海難超孟子讀時年既髻莫得神童秀



才士到頭獨擅美前朝

宇宙洪荒此理同不隔西海與東海一身氣象一  
唐虞天下英才皆八凱

奎蓮呈祥大賢作自茲道統屬河洛二程珍重無  
極翁尋得仲尼顏子樂

鄧林雨露帶和露夜氣生生豈心外豫樟樹小有  
梁材試折桂枝爲措大

南北東西一介即曉對江漢濯肝腸漢唐寂寂無  
儒者羨殺前身朱紫陽

尺璧分陰可惜年對花讀卷是先賢和風細雨一

團氣紅濕艷陽桃李天

何論功名一切成只思義氣使心清玉帷爲讀廣

川策園裏不酬三請鶯

十二學書東曼倩三冬夜深籌漏箭山天大畜方

寸中不棄馬勃與牛溲

時哉用捨是行藏命不足言何足量梅葉初描畫

前易鑿開混沌見羲皇

帝主曆數享天休德澤靈風遼古流何用崑崙別



求去耶摩堆裏亦神州  
叙秩自天明五倫裁成筆削只鄴人麟經兩卷從  
初句正月次王王次春  
一道韶光滿邦城小窓清嘯娛何極獲幼入柴桑  
室中草木欣欣生喜色  
孩提童子賞新年弄筆攤牋隅坐前雖是人間無  
異自今朝霞氣更紅鮮  
吾愛我道孔夫子能始條理終條理百家象流悉  
蹄泮觀巨海者難爲水

二十八章此詩卷懇懇不自咄嗟辨縱然東西丁  
別離猶是手書千里面  
昌黎文采似明珠原道一篇心腹敷儒者風聲餘  
韻在觥排寂滅與虛無  
安樂窩中花外人小車緩輓到天津鶻聲下度春  
過後獨避熙寧酷暑塵  
君家細評如月旦求我童蒙坐常滿寄來錦段自  
成章爭奈他無青玉案  
家室可宜身可脩常思渠寡悔兼充小兒本是駿



州產一簣爲山士嶺頭  
眼眇不辨馬兼練細書小字使童見此石虛中外  
節無袖中東海蘇軾硯  
挑得長安雪夜燈講文相會遠方朋古人踏地猶  
存履千仞層冰却薄水  
雖隔雲林與市朝此心如岳竟難搖范樓壯觀陶  
琴力憂世憂君憂不消  
孔門言志各孰愈舞雩爲邦端章甫若使氣象達  
聖天雲行雨施龍德溥

金華山人奈不爵曾來洛陽架芸閣閣上見山又  
見花三公不換金不博  
蒲簡和風通鑑筆深衣木帶誦君寶直把箇人堪  
比倫一枝梅花花六出  
相遇何爲厄兩賢却疑此理未同然金針深秘鴛  
鴦繡仲晦元無又九淵  
瓊瑰四七箇篇篇生白室中窓几前一幅煙霞看  
不足玄雲湧出紫潭泉

和那波信吉元日試毫韻

慶長十五年  
信吉後改道圓



圭角未消英妙年，勉哉遠大要期賢。青春難再勿  
空過，學習時時最可憐。

和道圓元日立春詩韻

訓諛不到是非堂，只喜人望春亦望。風暖釵頭搖  
絲燕，朝來門上掛青羊。菜盤薦處雖新變，茶飯喫  
時如舊常。兒輩提携少陵紙，東窓覓句日西藏。

和道圓生元日詩韻

元和八年

童習等閑將白紛，世間枉過幾回春。陰晴記得浣  
花老，鷄狗豬羊牛馬人。

和道圓生元日擲管之韻

寬永二年

千里西東宦學人，忽過壯室幾般春。欲還舊歲讀  
書債，宿雪殘燈相共親。

次元古試毫韻

舊臘已過新歲開，土牛今日忽牽來。米丹一粒回  
春處，文武火中心不灰。

和正堅試毫詩韻

元和四年

起着朝來一片霞，東方光氣在詩家。四時只是不  
凋物，次第應開筆下花。

元和四年



和正堅試筆之韻

儒醫流遠起波瀾遊學迎温又送寒放膽小心思  
邈藥酒中粒粒是金丹

寬永元年

漫颯響以酬偏易丈人試毫之佳作云

人統忽逢東海濱軒旋坤軸與乾鈞梨花議論煙  
霞語紫韻紅音先報春

寬永元年

衛生家本庵宗務丈有雞旦之俸謝余獲見  
之取其末字賦一絕以寄焉

刀圭九粒善除災只恠孫真人再來一陣東風入

西掩屠蘇庵裏復添盃

寬永四年

永田道慶生來于東武謁余其袖裏有歲旦  
之作出之需點竄於是和三章以示焉

何圖相共賞新年日暖扶桑桑木天一幅烟霞增  
潤色郁雲朶朶百花前

隨例今朝又一年園林殘雪早梅天鶯雛學習春  
風裏明自遠方來我前

與子睽離幾許年新正邂逅海東天手中梅葉胸  
中易三十六宮春目前

來詩有梅花之易之意故云爾○寬永三年



中興次玄治試鬼韻二首

和氣在心花亦新，筆端風起掃埃塵。墨池分得上  
池水，一滴蘇人雨露春。

簇簇烟霞滿白新，東風消盡世間塵。桐君竹祖今  
相約，年久人參五葉春。

同繼聲法印龜庵醫丈發春試毛純詩韻二首

東皇撫物及塵銖，駘蕩仁風能恤孤。人論病因追  
仲景，誰披逢掖擬王符。鶯吟喚起日三始，龍舍移  
來天一陬。杯底流霞閑飲處，傍人莫比頂曼都。

刀圭手裏定錢銖，藥圃韶華不可訖。千歲內經新  
校正，一編抱朴舊仙符。條風煦育年當委，和氣流  
行月稱陬相待。武陵紅雨節詠桃，何覓到玄都。

次官醫龜庵法印巳丑歲初起筆詩之芳韻

震在東方辰在寅，三陽立處物皆真。屠蘇吸咀英  
華去，藝苑醫林一味春。

同山木和醫玄皓試毫韻字聊有感於世教  
不振而援方技以取譬云

百家象技假非真，岐伯子儀俱是塵。素問靈樞似



陳曆雲林今日獨回春寬永元年

卒和豚子玄皓生新年擢管之韻

遙懷喬木有恩親關外烟霞千里人生意無窮仁術裏揮毫一抹滿腔春寬永二年

永田道慶示竹田蒿菴新正絕句誠可嘉尚

焉翌日索思和者不止余偶忘其句僅記其

韻字於是嗣響云

今朝忽遇曼時正處處韶光天下乎小字梅花雲一朶和風吹送寄芳聲寬永三年

迅筆一絕和堀七太少年春首試韻之韻聊

祝其前程云爾七大夫後云立庵正英正意長子也

十二回中元旦回朱門白屋栢椒盃自今可讀百

花史梅與丁林第一開寬永元年

和七大夫少年試筆詩韻寬永二年

醫歲揮毫賀孟陽一家地久又天長春來欲設梅花宴先向鶯梢飛羽觴

道鄰生元旦試毫詩有思慈母之語因次韻

以贈焉



江城一夜過，新年草不煙霞晴。快然佳節思親，今  
不忘歸鴻目送北堂邊。

元庵堅巴生袖元白絕句來，氣點窠因次其  
韻。

鶯凍未聞琴瑟調，梅邊殘雪似瑤瑤。霞關亦有萬  
重遠，東海雲停青碧霄。

漫和及可醫生擗管之韻，寬永二年。

一朝青帝下降辰，東海烟霞花草新。若用太陽丹  
粒力，入荒壽域可回春。

和及可試筆韻

蘆洲殘雪憶希真，千歲松肪入手新。萌動醫林群  
植物，挽回草藥室中春。

衛生家元春，携歲且試筆一絕來，被示之且  
需雌黃，余今始見焉。吟賞之餘，和韻以祝前

程云爾，寬永四年。

梅蘂水消忽斬新，番風陣陣自茲頻。曾聞九藥黃  
鸚嘯，一粒金丹手裏春。

和道二試意作，寬永四年。



新歲迎來物亦新，驚看健筆力千鈞。詞花却在梅  
花上，孰是今朝第一春。

和道二元旦擗管之韻

此翁邂逅艾年春，逸莫馮顛殘雪頻。風送土牛如  
解凍，筆力穿硯發硃新。寬永五年

和利前雞旦試毫之芳韻云

芳詩吟了賞三朝，花月自今須惜霄。焚尾屠蘇追  
餞臘，春風入柳館柔條。寬永五年

漫次宗樹生元旦試筆之韻

肇歲新詩賀萬祥，中州元是一封疆。朝來入得梅  
花界，栢酒風温嗅暗香。寬永五年

和某人試毫詩韻雪裏梅

開歲園林深雪中，玉妃粲粲向東風。一爐百和穗  
雲白，雖不香花，花氣濃。元和八年

次某人試穎詩韻

東海紅霞窓曙時，芸臺試筆得春燕。自今遲日應  
行好，次第花風一任吹。



羅山林先生詩集卷之十五終桂離離來人醉  
 林泉可醉風風即部齊寶永正年  
 味某入精亭若簡應聖真述  
 關意園林飛雪中王吹樂發向東風一語百味  
 妻白錦不香於林泉處示此八年  
 東風掃雪處處香  
 六基人於意若簡  
 不似不似於下五九

羅山林先生詩集卷第十六

歲時六

次韻山材元日誌類三首

元和三年

洪鈞幹轉物皆春淑氣韶光今日新始酌屠蘇三  
 椀酒一爐宿火撥紅麟

宿梅御柳忽逢春多少功名世事新白眼青年何

一樣麒麟植上又麒麟

自笑羅浮山洞春東風依舊不清新幾人天下學

文字毛是如牛角是麟



和山木文試筆詩韻山材一名山木後改丈

今人心理古人釣共遇乾坤次第春萬紫千紅與  
梅併放翁化處是前身元和九年

丁亥正月石丈山山人自長安寄歲初絕句

次韻以酬之

幸遇春皇望聖涯眼花湯雪一甌茶梅魂返入吟

囊底時有暗香當辟邪正保四年

丁亥元旦此日在卯因再和依元韻以示文

山

曙霞初出海東涯小戶滌煩叢與茶明跡毛温明  
跡日筆間心正掃凶邪蘇東又為春雪中白姑吹

丈山中人任例雜且莫詩仙于堂內乃賦一

律以代祭詞得東風便而寄之其想像感慨

不易言也聊披詩仙中數人之故事合于春

節者次韻以貽焉

門前五柳新低細湖畔株梅早等老屬國咽殘天  
上雪長庚吐出語中霞謝公展齒齧芳草曾直蕨  
拳抽甲莢詩有仙壇春可陟杜韓抓癢似逢麻



次韻梅雲脈子試毫絕句

卅有金珠囊有珍屠鮓况是賞嘉辰若冀草木待陽報今亦炎皇上世春寬永十七年

嗣梅雲脈子歲初試毫之韻

正旦迎來方技家新詩除病自相誇錦囊脫出青囊外筆有春雲卅有霞

尋梅雲脈子試春詩韻

醫者珠囊元是珍霞無痼疾又逢春酒中白散如覆草冰壅擊消能活人正保元年

乙酉雞旦梅雲脈子綴試毫詩以需雌黃因次韻云

月是三陽日是元屠鮓一梳辨寒温藥囊不括春風裏通變隨時六四坤正保二年

巳丑孟陬羊日次梅雲脈子試翰詩韻

殘雪猶欲鶴髮翁一年須得十全工刀圭勉展回春手世上無人識杏風慶安二年

次梅雲脈子試筆詩韻

九藥貴鷗鷲谷風料知汝有衛生功吾儕胡老相



疑似窮髮雪殘山亦童 兼應元年

次梅雲試筆韻

温味避邪多子椒新年唯願永今朝醫林若被易  
林蔭自得陽春頌問焦 兼應三年

次韻脈子梅雲文試毫絕句

手裏和風處劑輕醫林育物遇春正袖珍忽被韶  
光琢赤子保梅望玉成 明曆元年

此外連年雖和梅雲試筆逢丁酉之災不  
全存

閑逢困敦之年和壽澗文試韻之韻

事物雖殊理是鈞循環歲運每知新黃鸝丸藥感  
同氣須及鳴鳩乳燕春 寬永元年

歲初酬壽澗生見寄 用元韻 寬永二年

方寸生生吹冷灰春風按上巨編堆圍青繞翠盤  
中菜玉色深衣豔裏梅黃鳥數聲聞呂望紅爐下  
點見顏回共逢新歲未相會只有歸鴻遠寄來  
壽閑脈子者我所識也袖試春詩來就春齋  
以求余雌黃元裏抹過後日既忘其詞偶記



其韻不欲和之則似遺故舊歎於是不能不

和

隨例相逢逆旅春栢觴霞泛醉顏新陽休韶色無  
高下東武西都兩地人寬永十四年

醫生玄澄携開歲試筆詩來乞點削於是和  
其韻云

和氣新吹一陣風雲霞出海曙光濃千花百草用  
無盡收拾陰陽入藥中元和九年

絕句一章和玄澄丈搦管之韻

薛若幾回東海春紅塵撲面官遊身豈囊不在青  
囊外須識人夢五葉新寬永二年

賡玄澄生元旦之詩韻

左右悉相逢春風天下同五雲無日暈三白有年  
豐幽鳥飛將出歸鴻鳴未狎丰賓開口笑盃底酒  
猶濃寬永三年

絕句一章嗣玄澄丈三朝試韻之韻

天到孟春參在昏信風依舊又番番一枝南指一  
枝北先向梅花問冷温寬永四年



和玄澄丈元旦試觚韻

早遇新正心境同朝霞捧日寸眸窮春風一樣有  
吹萬柳色淡青花色濃寬永五年

和宗因生試毫絕句韻

青陽新到日東東海上朝霞蒼莽中一夜入心都  
一樣乾坤何處不春風元和九年

和宗因生雞旦試毫詩韻

日出樽桑若木東海雲一陣向春風煙霞紙幅梅  
花字好手中呈化工寬永二年

和歲旦詩韻寄宗因

何處東風不耐行一年今復住江城料知春色無  
高下石髮青青是翠兒寬永三年

和稻俊長試筆詩韻

天性溫柔孝乃翁從吾千里慕儒風讀書若識自  
家意春在新即秘笈中元和八年

癸亥元旦和俊長生之試翰二首

新年弱冠動精神殿上雲烟筆下春願遇舜風堯  
雨化甬看今日俗民淳寬永三年



滿眼春光天下同，慶雲見處有和風。  
冰消一點紅，爐雪他日相期，充國公元和九年

甲子雞旦，緇子浩來賀視，其試筆律詩因和而與焉

元朝開戶日，高遲聞子來過，起我知一硯，琉璃流不凍，五經韞韞學而時氣為地，籟同吹物，詞與天葩共吐奇，昨夜桃弧蕪葦矢，曉來收拾授男兒

乙丑正月春碩生自洛寄試筆排律，和韻以答焉

損益存三統，夏時獨得寅，扶桑六十國，寬永二年春拱向北辰，所朝宗東海，澹堅凍，須臾解，番風從此頻，裁成天地化，馴到國家均，唐典記元日，周官擇吉辰，梅花誇皎潔，椒葉酌溫淳，晴音驅邪鬼，今晨接好賓，畫雞千戶遍，黃鳥一聲新，遠寄試毫句，情同萬里親，寬永二年

春播叔秀才及余門者，殆乎六年正月二十五日之夜，燈兩牕前書而呈示

思益可覃精，可研手中勿廢，百家編春窓，隱几今



非昔風雨連床五六年寬永三年

春碩生自長安寄歲旦之一絕享韻以贈焉

春聲來問白鷗閑新歲詩盟重似山我在東關人

在洛花雲一片隔中間寬永五年

和春碩生試毛絕之韻

東風一陣自温温月是新正日是元雪後春霞何

以此白州刺史歿雲痕寬永七年

稍俊長字子浩後改名春碩字播叔

次松保高試毫韻保高字子山寬永元年

屠蘇飲了成何事忽試蒙恬曉蔡倫喚起鳴音報  
消息倉庚字訓識清新一番霞影海初曙半樹梅  
花雪未塵勿謂書生年尚富壁隄金刻小窓春

松子山舊歲冬未至武州爰賀新正因賦春  
景請余是正其中有士峯依舊千秋雪武野  
迎新百草春之一聯不意後觀唐宋之格律  
誠可賞焉於是昇響以示之

相逢北斗建寅辰猶愛東溟萍水濱元旦行時因  
夏后孟陬稟氣憶靈均絃歌烏轉武城日丹刻羣



飛江府春一様梅花從此始十分風色可俱親

和保高生試韻之芳抽

送舊迎新日曆移三陽交泰物皆宜詩含宿雪梅相似誰是當時下字師

和友之新即試韻之芳韻

雪後梅花年後奇東風吹度洛陽涯墨池一夜冰

開處千里溟魚飛出時寬永元年

寬永三年

曠曠遲日雪初融此地青春不負公星拱北辰環

御座廟名谷東照仰神風三朝枯酒幾酬酢萬國

衣冠悉會同若問江城有何好奇花異草一望中

和康之元且試筆詩韻

遲日江邊雪後園層繡醉裏一乾坤世情強被東

風引鳥亦歌吟花亦言寬永十四年

次響國康之試不律之詩

手把玉蟾鳴瓦泓層同闔國寔寅正鳥歌花語春

風裏人亦太平歡笑聲寬永十六年

次試筆韻與森源丞



煙霞隱乎寸胸堆試墨池中豈惹埃人與此花俱  
不野一章絕句一枝梅元和九年

次筑紫人森其試筆之詩韻

曆年記得夏時正雲淡風和東海平宰府梅開主  
峯雪一春千里一家情寬永二年

和重純試韻

東海春雲一象紅和風陣陣度遙空新年猶祝久  
騎鶴來入揚州冒屋中元和九年

和佐谷氏試筆韻

五雲朶上一紅霞始映東州野水涯黃鳥聲中讀  
書處春風吹暖入儒家元和九年

和試筆韻與荒木祐章

煙霞新出曙雲空始是一番花信風喚起腦前梅  
葉笑春聲元在讀書中元和九年

次韻荒木祐之雜且之作

一盞屠蘇三統晨滿頰和氣覺清新東風忽解墨  
池凍語帶烟霞机案春寬永三年

次韻荒木祐之生元日試觚之作



北斗建寅人統時欣欣萬物自成私新詩若藉東  
風力到處逢春說項斯寬永四年

早祐之生雞且試翰之韻

朝來一陣谷風微衆物入機還出機欲向鸞邊停  
野馬遊絲謝轡去如飛寬永五年

次韻道的丈新歲之絕句

送故迎新賞吉辰千門萬戶悉逢春歲初好景君  
須記宿雪未泥梅未塵寬永三年

絕句一首次韻道的丈上日之作

新年到處祝外平群丹自今須向榮江國東風吹  
解凍忽聞鷗泛有春聲寬永四年

和三竹試筆韻同年

玄琢在東武其令愛三竹青年在洛有歲且律  
詩被寄焉所謂家書抵萬金也尊袖中携來示  
余蓋其志之所之前程未易測也而求愚和而  
不已余偶忘其詞纔記其押字因嗣韻贈之聊  
以抑東武洛陽兩地之情且寓勸勉之意於尾句

中云爾



寅歲早過迎卯年，薄霞殘雪眼前全。東州草木雅  
今易北闕梅櫻永日妍。經宿鳴雞武陵洞，隔雲歸  
雁洛陽邊。寄言故國童男子，春夜風燈讀幾編。

三竹英丈有試毫一篇自洛寄呈，壽昌法印  
時在東武，因索予批評，聊有點竄，於是遂次  
其韻云。

新年詩語吐珠璣，硯沼冰融水漸肥。千里雲旎飛  
入手彩霞花萼共相輝。寬永十一年

陳已丑正月次武田泰安雅丈試毫詩韻

新歲賞心何有，涯煙霞梅柳共清奇。春風入得青  
囊手，刀筆刀圭同一時。

丙申馬日次武杏仙丈雜日絕句韻

青年入眼最多情，肉食春盤試管城。載酒酌花頌  
閭字，倉庚一轉是新清。

次自安試筆韻，寬永元年

曆年新發庶民新，睥盞滿空都是春。忽誦蒙求鸞  
早至，既終卿黨雉時馴。周流一氣秋冬夏，次第三  
正子丑寅。天下幾人除這箇，如何保任仲尼仁。



次中村道意試筆之韻聊祝錦旆之榮云

過客光陰一歲新每逢佳節盡思親猶期畫錦映霞去遲日洛陽花柳春寬永十一年

和道意試筆韻

北斗建寅人統正紅雲捧日照江城小窗春誦似春鳥一曲綿蠻百喜聲寬永十二年

次俊勝試翰之韻

雲影霞光雜日晴東風吹滿武陵城喜遷鶯曲君先唱物物今朝無不平寬永十一年

次素庵試毫之韻

隨例三陽月在寅清詩入手一年新桑暎皎皎烟霞外東武風温南紀春寬永十一年

佐川田正次有雞且試毫之作余始見之且應其求漫加點竄於是次韻示焉

一夜冰消硯沼中朝霞描出興何窮豐年且喜看三白遲日相期發萬紅武野草迷煙尚淡瓊波雲遠影彌濃韶光忽入詩人手筆下吹來花信風

寬永四年



和佐正次試不律之韻聊寓武備於文事中  
以祝規焉云

兔歲飛過龍歲新勾芒元是太陽神墨池冰泮吳  
潭水三尺匣中刀筆春寬永五年

小絕一章次正次生歲初作云

東風寂寞濱吹物物華新始試三元筆聊娛一日

春寬永六年

次韻正次丈試類

城頭殘雪瓦先融花信吹晴次第風一様春光霞

兩色雨前雨後淡蕪濃寬永七年

次佐昌胤試筆韻正次後改名昌胤

新歲入詩句武江草木區溫和私淑艾陽德后來  
蘇掌柅假紅面對花慙白鬚洛南聲信報春鳥與  
入娛正保二年

戊子正月昌胤生遠寄試毫詩求雌黃因次

韻以投贈之十四日立春故此一二句及之

年後大寒猶過旬東郊到處迎青春千紅萬紫赧  
然色老欲簪花髮似銀



辛卯之春佐昌胤自浞城寄元旦詩筆詩以  
求竄定於是次韻以贈焉

故舊迎年事事新晨赧早出海東濱梅顏咫尺天  
何遠千里相思一樣春

壬辰之春佐昌胤寄年用詩毫詩以求雌黃  
聞舊冬有鼓盆而歌故詩中聊似有寓其意  
歎緬想弗止余遂欲慰之以次其韻

武邸遙望京洛宮春風不鎖管城中對花獨見半  
庭影霞與去年同淡濃

癸巳正月佐昌胤試筆自浞城至東武與晤  
語不異可以欣慰次韻投贈之

詩與新年入手來流澌浚水洗氛埃問梅即答下  
林白時有嫩鸞哢始開

甲午正月佐昌胤試毫詩有今茲漸及五十  
一之趣遠寄東武求之點竄因次韻以投之  
霞竊東西共藹然武陵朝眺浞河天百花正半猶  
加一想像新年勝舊年

乙未月正佐昌胤試毫一絕遠自浞寄東武



以求點竄不及改正可也因次其韻

墨池魚躍北濱濱詩裏和風掃點塵同是長安鷺  
可轉絃歌始聽武城春

丙申正月佐川田昌胤誌毫詩自浹城寄來  
乞雌黃因次其韻以投酬之

豐歲三陽生育寅朱門白屋福祥申酌花酌鳥東  
西玉千里紅霞手裏春

甲戌年日遊賜坂君之亭和田宗允生有誌  
毫之作畫之需余和於是走筆而次韻

日影遲遲照海濱文房四友最相親雲霞千里長  
安道韶景始於東武春

次韻春良生歲旦誌翰絕句

溥夫一樣斗杓寅竹遇東君管領春風是毛  
雉霞是紙更添梅字也清新寬永十四年

和元成生誌筆韻

邂逅迎年賀吉辰東風手裏筆清新隅田凍解鴨  
河水武野浴山同一春

和甫安生誌穎之韻



朝來試筆小窓中有脚陽春到自東一樣韶光非  
一色林間萬紫又千紅

甫安生有試毫之作索我和至于再三於是  
強而次韻

朝來起筆賀元旦賡載於吾語不工一幅煙霞飛  
點點只疑手裏把春風

次石川重昌幼年試毫詩韻依丈山老之議  
也

三陽千里同吹硯向和風求我章豪語非熊鸞轉

中 明曆元年

羅山林先生詩集卷第十六終



羅山林先生詩集卷第十七

歲時七

次藤原廣賢君雞旦抽毫詩韻

新正覓句欲評題柳眼枝低眠不啼起試毛錐勝

金距東風辟易季孫鷄慶安巳丑

人庚寅陳月藤君廣賢在日光山有元旦試韻

詩藉東風之便以寄之且被需雌黃因次其

韻

新歲山英默禱催辦香暗度返魂梅幽溪映徹玩



璃水遲日光風無點埃慶安三年

次藤廣賢試觚絕句芳押

肇年隨例祝嘉時旌旌風吹嫩柳枝千喜萬祥皆  
入手便知昨夜毆窮奇兼應壬辰

藤廣賢君自臘前陟日光山值元旦作試筆

詩寄於函三就請余為點窠因次韻投贈之

喜其互無恙豈翅慶歲且而已哉所待棗龜

取

君在神山遇月正我居武野任天生東風千里報

春鳥幸有歡聲寄遠聲癸巳孟陬人日

孟陬吉辰次六角藤君試毫詩韻

韶晷遲遲妍且暄霞觴隨例慶三元庭前書帶草

萌動入得鄭公通德門明曆元年

木作尹藤君廣賢有丙申元旦試觚詩因次

其韻且聞邇日有上京之事待其棗龜故其

詞及此云

東風行李請朝家綺語春光五彩霞御柳官櫻不  
紅雨早歸請看武陵花明曆二年



嗣良以英年雞旦試觚之遺響

開花啼鳥一般新韶景  
韶光相共頻門有青松  
陰交路千年永遇十回春  
寬永十七年

迅筆和良以仙郎雞旦之佳唱

世上群華競麗妍  
獨馮淨几不成眠  
請君早繼黃鸞  
晨半夜春燈進學年  
寬永十八年

正月狗日和良以丈試毫

遲白江山初麗鮮  
和風吹煦孤陬  
天東君為行陽  
春令依舊星章  
今不愆  
寬永二十年

和卜幽生試筆韻

天地回春雖自如  
畫雞猶賸且千廬  
新正借得嚴門景  
脩竹平安報歲初  
寬永十六年

卜幽生袖試毫詩來乞鳴黃年甫公私紛擾

不遑細論可否生卷之而還  
它日偶記其韻而忘其詩  
遂和之

屠蘇新釀洗空卮  
簪第梅兄墳與篋  
春誦要須從此始  
蒙求一句聽黃鸞  
寬永十七年

次卜幽丈新正試筆之韻



時聞其嬰小瘡而有中  
無一疾之喜故規祝之

梅燈何待火蛾兒治病先吟栢酒詩春到金城防  
意處便知湯液是湯池正保甲申

尋卜幽丈試韻之韻

東風一陣野坳晴鶯有絃歌在武城唯怪玉泓深  
似海墨雲五色是蓬瀛

丁亥正月次韻卜幽丈試管城子且思我老  
懶而不老於文學而已

寒氣猶殘和淑微春心世事巧相違新年老矣吾

愆否君不中書亦豈非正保四年

已丑孟陬卜幽丈自常州寄歲旦試毫詩以

迎來乞雌黃因次韻而投贈之

迎歲羈中慰此身寄來韻語稍清新昆陵花似西

施否雲際姑蘇同一春慶安二年

庚寅正月次卜幽丈元旦試筆詩韻

江上新正憶舊廬白頭枉過幾居諸春風心裏先

天易忽見梅花小字書慶安三年

辛卯次卜幽丈辛卯歲初試筆詩韻



幸遇三陽時若風家家相賀得饒豐春來盤古億  
千歲毛髮草生山不童慶安四年

次下幽丈試簡之詩韻

硯沼冰融墨欲流新年樂事做遨遊屠蘇先後何  
遺禮無筭爵時如旅酬兼應元年

癸巳孟春次下幽丈試筆詩韻

曉來北斗建寅班動植新新改舊顏白散仙家盃  
底物自今日月更長閑兼應二年

甲午開歲次下幽老試分直詩韻

欣逢今日一春初陰慘忽除陽欲舒攪枕池塘芳  
草夢在傍詩客勿憎予兼應三年

乙未元旦卒次下幽丈人試春絕句韻

三微資始九旬春座上欣欣賞吉辰一段風光為  
壯觀煙霞草木悉清新明曆元年

卜幽有丙申鷄日試簡詩乃次其韻

東風一陣入楮櫺日自遲遲山自青硯沼春牽井  
華水倒江筆力罄瓶甌明曆二年

庚寅孟春次小川宗五試毫詩韻



陣陣香風次第多夏時相行且支倭新年認得春  
平象花氣與人同一和慶安三年

次宗五試筆詩韻

雍武之間屢去來又逢新歲舉温盃留聲太族花  
吹煦須保江城五月梅兼應元年

尋壽軒試觚之韻響乙覽以後忘其詞僅記末句韻撰腰字云

一聲黃鳥報元朝宿雪堅冰驀地消武野迢迢霞  
外路春風綠草似裙腰寬永四年

尋壽軒肇歲擗管之韻

東海煙霞一淡濃朝來天下盡春風化土有跡管  
城上車軌相同文亦同寬永五年

尋元旦韻寄壽軒之硯右

冰甌滌筆賞三微春在枝頭華尚稀鳳鳥初來新  
曆上東皇陽德發光輝

漫和壽軒豚子元旦擗管詩韻

歲初試筆賀嘉辰語與醫監相共新非啻醫方及  
詩病八荒壽域可回春寬永七年

嗣壽堅生試春之遺韻



隨列屠蘇醉即休韶光一段慰雙眸舊病自是如  
水釋只喜勾芒亦祝由

和伯元生元旦絕句韻

龍星今見舍庚辰乾象坤儀特地新一陣東風吹  
棊枰墨池水解管城春寬永十年

和伯元生試不律之韻聯晦立春故用土牛

關左城邊黃卷堂硯中東海欲生桑昨朝忽被土  
牛觸把筆驚看八字墻正保甲申

伯元生有歲旦試簡之詩乃嗣其韻以投焉

新正嘉禮物皆齊房淨常同四友樓春誦自今  
課了藜燈挑盡五更雞正保丙戌

癸亥正月次韻伯元試韻

糝餅數千椀與缸屏顏如笑是山峽唔啣琅玕聞  
春誦鶯至雪花殘處窓正保四年

次伯元生己丑元旦詩韻

四海祗今同一家朝來鶯畧映烏紗相同花信與  
人信輓輓吟行大小車慶安二年

次伯元脈字試簡之韻



淑氣朝來無烈風五畿七道世間公期望仁壽及  
邦域到處椒盃春味同慶安庚寅

次伯元生辛卯維旦試翰詩韻

迎陬一夜忽過茶黃鳥新聲是友于寫出門前松  
竹色春雲朶朶有根株慶安四年

壬辰元旦次伯元生試管城之詩韻

藝林底裏有醫林遲日須追尺璧陰疇昔忽焉  
別歲鳥呼百喜不驚心兼應元年

次伯元甲午元旦詩韻

黃鳥出幽聲未高先斟椒酒可娛敖文房呵硯水  
融處友善穎純同姓毛兼應三年

次伯元試春詩韻

墨池雲涌孟陬天筆力千鈞欲斡旋一拂膠牙春  
味熟須知蜂蜜在中邊明曆元年

此外連年雖和伯元詩罹下酉之災而不

全存

庚辰陬月和了的生絕句韻

迎春幾度在江濱白白紅霞便吉辰年後見花思



故里吾儕亦是宦遊人寬永十七年

了的生自常陸水戶寄其雜日試免之詩次韻以與之

臘去春來淑氣浮煙霞遠近與天侔番風猶被餘寒勒挽着百花牛萬頭寬永二十年

次韻了的生歲且試筆詩

幾度約花為此盟繙看新曆甲申正黃鸞一曲春風裏柳眼低眠不肯驚正保元年

次了的生試毫之韻

辛菜滿盤淹與寒煙霞草木景多端春山愈好讀書眼豎看橫看又側看正保丙戌

丁亥次韻了的生試毫因祝舊臘增祿之賞云

國家九鼎萬千鈞無象太平花氣新語帶煙霞聞黃鳥歡聲鳴硯水窓春正保四年

戊子年次了的生試筆詩韻

樸上膠牙黏作團又看椒柏觥杯殘沸泉始達水消釋恰似中心有四端慶安元年



和了的試筆韻

言語烟霞同錦端寄來書信幾回看新年縮地共相賞春夢江南客枕安慶安己丑

庚寅正月次了的生試毫絕句韻

窓下昏明覺剽寒雪殘松竹共平安霞如錦繡花如玉百貨舖中居不安慶安三年

己丑孟陬羊白次友元少年試筆詩韻

三統時宜子丑寅烟霞片片海東濱紗窓九藥嫩鷺至一曲喜遷聽始新慶安二年

次友元少年辛卯月正元日詩韻

和氣輕吹筆底風輝輝鸞喜共矚瞳藝林春到猶相望萬出少年叢茂中慶安四年

次友元髫年試穎絕句韻

春風富內本洪荒得歲多多白散觴柳眼猶眠花半面青山如笑未成糝兼應壬辰

癸巳孟春次友元少年試筆詩韻

堪賞試春年少家期望粲粲筆頭花韶光朝暮江東日詩有清風語有霞兼應二年



甲午孟陬次友元少年試觚絕句韻

遲日照入暄且明影如東海湧紅瓊忽看木母報  
花信須就桐君識藥名萊應三年

乙未歲旦次友元妙年試筆詩韻

紫潭水泮淨於藍洞口雲霞倏吐含温座若攀唐  
禮例上元近待可傳棹明曆元年

丙申元旦且學韻友元弱冠試觚詩

東方春到自幽度片片煙霞知幾層優歧花開  
暖色後山風味是寒水明曆二年

丁亥次韻道貞試筆

江上新正先見梅栢鱗羹涸椀盤堆明窓斐几紅  
雲遠花與歲時相共開正保四年

次道貞丈已丑元旦韻

春寒我手似萋菲可愛試毫鴻術家豈啻敷手能  
識味唯嘗薺菜不嘗茶慶安二年

次韻脈士道貞庚寅正旦試翰之詩

建寅斗柄忽撓揮交泰地夫陽不微木母早除西  
子病花顏顰笑勝南威



次道負甲午元旦詩韻

消盡臘夫霜雪，辛花顏漸展。鳥聲新遲遲，愈永青  
春日壽似南山，北辰。

次道負試春詩韻

去歲微恙，新年平復，來詩  
言其喜，故祝之如此。

地天交泰遇三陽，處處春風千萬祥。詩病舊痾俱  
欲滌，今晨好是浴桃湯。明曆元年

此外連年雖和道負試筆遇下西之災而  
不全存

己丑正月次老格生試毫之詩韻

東海紅霞窓曙時，芸臺試筆得春熙。自今遲日應  
行好，次第花風一任吹。

庚寅臘月次脈子女格生雞日試簡之詩韻

是月六日立春

新年五日送殘冬，一淡煙霞抹一濃春。入屠蘇盃  
椒手猶期思，趨投降龍。

壬辰元旦同玄格生試分直之詩韻

遲日讀書年少，昏晨霞分映。四隅版筆花寫出，梅  
花字振起春風。一手頭



癸巳正月次玄格生詩韻詩韻

一夜辰年為巳年家家仰向淑和天硯池鑿得馮  
夷窟筆下花開是水仙

甲午歲初次玄格生詩分直絕句韻

眼底梅花手裏盃又看候雁欲飛回雪融猶學墨  
池字一道巴江袞袞來

次元格詩翰

花顏柳眼色香濃藹藹煙霞習習風珍重春心何  
可轉明窓几上石塵中明曆元年

此外連年雖和玄格詩筆遇丁酉之災而  
不全存

正竹少年有詩分直絕句依請點窠乃次韻

詩似花顏施姓西嬋娟梅色款同題勸人縱是春  
霄短燈下吾伊可聽鷄

次正竹詩免詩韻

江上新年梅不寒東風吹露洒林端曙窓豈是尋  
常景千里朝霞眼界寬明曆元年

此外猶有詩筆和韻丁酉之災不全存



和齋藤重吉之試毫韻

喚起黃鸝荔谷風，三春始入一詩中。  
朶雲忽被韶光染，柳自淡青花自濃。  
寬永六年

和齋藤弱冠試毫之韻

新年隨例賀元正，梅有清香鳥有聲。  
今日東皇天下遍，向陽花木自欣榮。  
寬永七年

和重吉歲旦之詩韻

一片曙雲東海東，韶光寫出七言中。  
陽和添力暖風手，春入硯池冰盡融。

次齋藤重吉甲戌試筆韻

席上屠蘇酌九霞，韶光不隔萬千家。  
詩如莨色入吾手，朶紅雲朶花。

黑澤弘忠大有戊子試毫詩向陽告其韻字  
因次之，以其能讀馬書有孫陽之術業故及  
此云。

戊來丁往不安徐，春誦琅琅卷又舒。  
起向鸞邊先繫馬，花生齒舌有贏餘。

丙申元日以仙生有試毫絕句次其韻



東風有色五雲晴，筆下生花人統正。舟自丹陽眺  
江雪，泛鷗先有一春聲。

和有閑談筆韻

軟飽椒觴絕點塵，梅花世界耐娛身。陽春手脚屈  
伸處，吐故朝來又納新。

乙未孟春小島道慶生有試筆詩就函三求

雌黃予亦見之乃次其韻以投贈焉今茲元  
日立春

東郊迎歲萬祥臻，便是皞皇降下辰。天步健行欣  
有脚，諸方德澤屬陽春。

丙申臘月次道慶生元旦試毫詩韻

窓曙春皇闡帝紘，朝霞一片武林城。早梅宿雪競  
奇色，孰與五湖烟景爭。

次豚子好安試筆詩韻以比年讀通鑑故及

此云

宿雪明輝白玉京，欣逢北斗建寅正。復齋譬得潤  
人口，君實遺書春誦聲。

甲午發春田乘雅有試韻絕句就向陽索點  
竄即次韻示之且勸余為之和於是粹同厥



韻聞彼<sub>レ</sub>味<sub>レ</sub>弱冠勉哉

春早<sub>レ</sub>少年<sub>レ</sub>叢<sub>レ</sub>裏<sub>レ</sub>花<sub>レ</sub>試<sub>レ</sub>翰<sub>レ</sub>聊<sub>レ</sub>欲<sub>レ</sub>向<sub>レ</sub>詩<sub>レ</sub>家<sub>レ</sub>韶<sub>レ</sub>光<sub>レ</sub>出<sub>レ</sub>海<sub>レ</sub>渡<sub>レ</sub>  
江<sub>レ</sub>到<sub>レ</sub>粲<sub>レ</sub>粲<sub>レ</sub>梅<sub>レ</sub>兮<sub>レ</sub>蔟<sub>レ</sub>蔟<sub>レ</sub>霞

丙申和<sub>レ</sub>乘<sub>レ</sub>雅<sub>レ</sub>試<sub>レ</sub>春<sub>レ</sub>詩<sub>レ</sub>韻

新歲<sub>レ</sub>粧<sub>レ</sub>成<sub>レ</sub>朱<sub>レ</sub>堊<sub>レ</sub>門<sub>レ</sub>忻<sub>レ</sub>竹<sub>レ</sub>花<sub>レ</sub>木<sub>レ</sub>日<sub>レ</sub>温<sub>レ</sub>温<sub>レ</sub>少年<sub>レ</sub>試<sub>レ</sub>馬<sub>レ</sub>春<sub>レ</sub>  
風<sub>レ</sub>裏<sub>レ</sub>水<sub>レ</sub>草<sub>レ</sub>頌<sub>レ</sub>非<sub>レ</sub>兒<sub>レ</sub>女<sub>レ</sub>萱

辛卯孟<sub>レ</sub>陔<sub>レ</sub>次<sub>レ</sub>要<sub>レ</sub>玄<sub>レ</sub>生<sub>レ</sub>試<sub>レ</sub>類<sub>レ</sub>絕<sub>レ</sub>句<sub>レ</sub>韻

詩<sub>レ</sub>如<sub>レ</sub>殘<sub>レ</sub>雪<sub>レ</sub>袖<sub>レ</sub>中<sub>レ</sub>回<sub>レ</sub>紫<sub>レ</sub>右<sub>レ</sub>潭<sub>レ</sub>雲<sub>レ</sub>吐<sub>レ</sub>麝<sub>レ</sub>煤<sub>レ</sub>人<sub>レ</sub>在<sub>レ</sub>兩<sub>レ</sub>間<sub>レ</sub>相

感應<sub>レ</sub>三<sub>レ</sub>陽<sub>レ</sub>交<sub>レ</sub>泰<sub>レ</sub>是<sub>レ</sub>三<sub>レ</sub>才

羅<sub>レ</sub>山<sub>レ</sub>林<sub>レ</sub>先<sub>レ</sub>主<sub>レ</sub>詩<sub>レ</sub>集<sub>レ</sub>卷<sub>レ</sub>第<sub>レ</sub>十<sub>レ</sub>七<sub>レ</sub>終



